



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2258, datë 23.01.2013

Për

Miratimin e Dokumentit rregullator “Për disa ndryshime dhe shtesa në Rregulloren Nr. 14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC””

Këshilli Drejtues (**KD**) i Autoritetit të Komunikimeve Elektronike dhe Postare (**AKEP**), i përbërë nga:

1. Z.	Piro	Xhixho	Kryetar
2. Z.	Alban	Karapici	Anëtar
3. Znj.	Alketa	Mukavelati	Anëtar
4. Z.	Benon	Paloka	Anëtar
5. Znj.	Zamira	Nurçe	Anëtar

dhe sekretare të Këshillit Drejtues Znj.Marsida Drushku, në mbledhjen e datës 23.01.2013, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë” i ndryshuar, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike”, shqyrtoi çështjen me objekt:

Miratimin e Dokumentit rregullator “Për disa ndryshime dhe shtesa në Rregulloren Nr. 14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC””

BAZA LIGJORE:

1. Shkronja t) e nenit 8, pika 1 e nenit 114 dhe neni 115 te ligjit nr.9918, datë 19.05.2008 “Për komunikimet elektronike në Republikën e Shqipërisë”, i ndryshuar (**ligji nr.9918**);
2. Neni 120 dhe neni 129 i ligjit nr. 8485, datë 12.05.1999 “Kodi i Procedurave Administrative” (**KPrA**), i ndryshuar;
3. Vendim i Këshillit të Ministrave nr.370, datë 5.6.2003 Për miratimin e strategjisë “Për shërbimin e radiondërlidhjes detare në Republikën e Shqipërisë” (**VKM 370**).

4. Pika 2 e nenit 11 te Rregullores Nr.14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC”” (**Rregullore Nr. 14**), miratuar me vendim të Këshillit Drejtues të AKEP-it, Nr. 1221, datë 13.04.2010.

KËSHILLI DREJTUES:

Nga shqyrtimi i materialit shkresor të përbërë nga:

- Projekt Vendimi;
- Relacioni shoqërues i Projekt-Vendimit;
- Projekt-Dokumenti rregullator “Për disa ndryshime dhe shtesa në Rregulloren Nr. 14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC””;

si dhe, diskutimeve në mbledhje mbi çështjen, si dhe duke i’u referuar bazës ligjore të sipërcituar,

V Ë R E N:

1. AKEP, me qëllim përmbushjen sa më të plotë dhe eficiente të detyrimeve ligjore që duhet të zbatojnë subjektet e interesuara, për t’u pajisur me Licencë “Autoritet i Llogarive Detare dhe Kodin AAIC””, çmon si të rëndësishme ndryshimet dhe shtesat në aktin Rregullore Nr.14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC””, me qëllim përcaktimin e rregullave proceduriale për t’u pajisur me licencë nëpërmjet modulit të aplikimeve online;
2. Grupi i punës i caktuar me Urdhërin nr. 900 datë 30.10.2012 ka hartuar ndryshimet dhe shtesat në projekt aktin administrativ Nr.14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC””, me qëllim përcaktimin e rregullave proceduriale për kryerjen nëpërmjet modulit të aplikimeve online nga subjektet e interesuara për t’u pajisur nga AKEP me licencë;
3. Ndryshimet dhe shtesat për përcaktimin e rregullave proceduriale në Rregulloren Nr.14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC””, janë mbështetur në kuadrin ligjor dhe rregullator në fuqi si dhe rekomandimeve të ITU-së, duke patur parasysh dhe implementuar objektivat rregullatore të AKEP;
4. Ndryshimet dhe shtesat e propozuara në Rregulloren Nr.14 nga Grupi i Punës, për t’u zbatuar nga subjektet e interesuara për licencë, nëpërmjet modulit të aplikimeve online, bëhen pa ndryshuar përmbajtjen, objektin, qëllimin dhe kërkesat e përfshira në këtë rregullore si dhe me qëllim përmirësimi për:
 - Kalimin e aplikimit për Licencë “Autoritet i Llogarive Detare dhe Kodin AAIC” nëpërmjet modulit të aplikimeve online;
 - Realizimin e procedurës së paisjes me licencë në një kohë sa më të shkurtër, në një mënyrë më të thjeshtuar me rregulla praktike;
 - Shkurtimin e procedurave të përpunimit të dokumentacionit në AKEP duke rritur cilësinë e shërbimit ndaj subjekteve;
 - Realizimin e një procesi transparent në kufijtë e veprimit të Autoritetit Publik;

5. Për këtë qëllim, AKEP në zbatim të Ligjit nr. 9918, i ndryshuar, në kuadër të transparencës dhe paanësisë çmon si të arsyeshme miratimin e ndryshimeve dhe shtesave në percaktimin e rregullave procedurale për kryerjen nëpërmjet modulit të aplikimeve online nga subjektet e interesuara për licencë, të projekt aktit administrativ Rregulloren Nr.14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC””,

P Ë R K Ë T O A R S Y E:

Këshilli Drejtues, duke konsideruar rëndësinë e miratimit të këtij projekt akti administrativ për subjektet e interesuara për pajisjen me Licencë “Autoritet i Llogarive Detare dhe Kodin AAIC”, bazuar në shkronjën t) të nenit 8, në pikën 1 të nenit 114 dhe pikën 1 të nenit 115 të ligjit nr. 9918 i ndryshuar,

V E N D O S:

1. Të miratojë Dokumentin rregullator “Për disa ndryshime dhe shtesa në Rregulloren Nr.14, datë 13.04.2010 “Për dhënien e Licencës “Autoritet i Llogarive Detare dhe Kodin AAIC”” sipas Aneksit 1 bashkëlidhur;
2. Ky vendim të publikohet në faqen e internetit www.akep.al

Ky vendim hyn në fuqi 30 ditë nga data e miratimit të tij.

K R Y E T A R I

Piro XHIXHO

ANËTARËT E KËSHILLIT DREJTUES:

1. **Alban KARAPICI**
2. **Alketa MUKAVELATI**
3. **Benon PALOKA**
4. **Zamira NURÇE**

ANEKS 1

- I. Ndryshime dhe shtesa në Rregulloren nr.14, datë 13.04.2010, “Për dhënien e Licencës Autoritet i Llogarive Detare dhe Kodin AAIC”.**
(Miratuar me Vendim të Këshillit Drejtues të AKEP nr.1221, datë 13.04.2010).

- A. Pika 1 e nenit 3, ndryshon dhe bëhet:

Neni 3 Baza ligjore

1. AKEP, për nxjerrjen e kësaj rregullore mbështetet në gërmën p) dhe t) të nenit 8 dhe pikën 2 të nenit 138 të ligjit nr. 9918, datë 19. 05. 2008 “Për komunikimet elektronike në Republikën e Shqipërisë” (*ligji nr. 9918*) i ndryshuar;

- B. Pika 1 e nenit 6, ndryshon dhe bëhet:

Neni 6 Dokumentacioni

Subjektet e interesuara për t’u pajisur me ALD dhe AAIC duhet të dërgojnë online në AKEP dokumentacionin e poshtëshënuar:

1. Kërkesën online të subjektit për licensë ALD dhe kodin AAIC (Aneks2), në të cilën të jenë vendosur të dhënat mbi personin juridik/fizik.

Aneks 2

FORMULAR APLIKIMI ONLINE PËR PAJISJEN ME LICENCË “AUTORITET I LLOGARIVE DETARE” DHE KODIN AAIC”

<input type="checkbox"/>	Aplikim për licensë	<input type="checkbox"/>	Ndryshimi i të dhënave
<input type="checkbox"/>	Rinovimi i licensës egzistuese	<input type="checkbox"/>	Ndërprerje aktiviteti/veprimtarie (Çregjistrim)

1. Të dhënat e subjektit:

1.1	Emri i Personit (juridik/fizik) (Pronari i Stacionit)	
1.2	Adresa Postare	

1.3	Telefon/Faks	
1.4	E-mail	
1.5	Data e Regjistrimit në QKR	
1.6	NIPT-i	
1.7	Emri i përfaqësuesit ligjor	
1.8	Numri personal sipas dokumentit të identifikimit - ID	

C. Shtohet pika 7 dhe pikat 1, 2,3,4, 5 të nenit 7, ndryshojnë dhe bëhen:

Neni 7 **Trajtimi i kërkesës**

1. Kërkesa me dokumentacionin bashkëshoqërues dërgohet online, nga subjekti i interesuar në modulën e aplikimit online për Licence “Autoritet i Llogarive Detare dhe Kodin AAIC” në faqen web të AKEP www.akep.al.
2. Nëse dokumentacioni shoqërues gjendet në përputhje me nenin 6 të kësaj rregulloreje, kërkesa e paraqitur online nga subjekti për t’u pajisur me licencë ALD dhe kodin AAIC trajtohet nga AKEP brenda 7 (shtatë) ditëve nga data e aplikimit online.
3. Brenda afatit të përcaktuar në pikën 2 të këtij neni, në përfundim të trajtimit të aplikimit online së subjektit, nëse aplikuesi çmohet në përmbushje të kushteve të parashikuara në këtë rregullore, AKEP e pajis atë me licencën ALD dhe kodin përkatës AAIC. Licenca lëshohet e nënshkruar nga Kryetari.
4. Në rast parregullsie të dokumentacionit të paraqitur, brenda 5 (pesë) ditëve nga data e aplikimit online, aplikuesi njoftohet nga AKEP për parregullsinë/të e konstatuara dhe rregullimin e tyre në një afat sa më të shkurtër të mundshëm por jo më shumë se 30 (ditë) nga data e marrjes së njoftimit online.
5. Aplikimet online me dokumentacion të falsifikuar ose në kundërshtim me formën ligjore të parashikuar në momentin e lëshimit të tyre, përbëjnë shkak për refuzimin e kërkesës dhe sipas rastit, kur përbëjnë vepër penale, nga AKEP veprohet në përputhje me legjislacionin penal në Republikën e Shqipërisë.
7. Formulari i aplikimit online nënshkruhet nga subjekti në momentin e tërheqjes së Licencës dhe i bashkëngjitet praktikës që arkivohet në AKEP së bashku me dokumentacionin shoqërues.